



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES
Committee on Labor and Social Welfare

Broj: 01/22-02-1954/25-2
Sarajevo, 27. 10. 2025. godine

**PREDSTAVNIČKOM DOMU
PARLAMENTA FEDERACIJE BiH**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 28-10-2025			
Org. jed.	Broj	Priloga	Vrijednost

Odbor za rad i socijalnu zaštitu Predstavničkog doma Parlamenta Federacije Bosne i Hercegovine 27. 10. 2025. godine održao je 13. sjednicu Odbora. Sjednici Odbora prisustvovalo je osam članica i članova Odbora, tako da su ispunjeni uslovi u pogledu kvoruma i odlučivanja.

Na 13. sjednici Odbora za rad i socijalnu zaštitu Predstavničkog doma Parlamenta Federacije BiH predložen je i jednoglasno usvojen sljedeći:

DNEVNI RED

1. Usvajanje zapisnika sa 12. sjednice Odbora za rad i socijalnu zaštitu,
2. Nacrt Zakona o izmjenama i dopunama Zakona o roditeljima njegovateljima u Federaciji BiH,
3. Strategija za unapređenje prava i položaja osoba sa invaliditetom u Federaciji BiH 2025.-2030. godina,
4. Izvještaj o realizaciji Strategije za prevenciju i borbu protiv nasilja u porodici 2024.-2027. tokom 2024. godine,
5. a) Izvještaj o radu Fonda za profesionalnu rehabilitaciju i zapošljavanje osoba sa invaliditetom Federacije BiH za 2023. godinu,
b) Izvještaj o radu Fonda za profesionalnu rehabilitaciju i zapošljavanje osoba sa invaliditetom Federacije BiH za 2024. godinu,
6. Inicijativa za donošenje Zakona o ostvarivanju prava na zdravstvenu zaštitu i zdravstveno osiguranje osoba koje se nalaze na smještaju u ustanovama socijalne zaštite/hraniteljskim porodicama/drugim pružateljima usluga van kantona u kojima te osobe imaju prebivalište, koju je pokrenula grupa zastupnika u Predstavničkom domu PFBiH, broj: 05/1-02-377/25 od 24. 7. 2025. godine,
7. Inicijativa za izuzeće centralnog gradskog područja iz opće zabrane rada nedjeljom, koju je pokrenuo Savjet mjesne zajednice „Trg Oslobođenje- Centar“, Općine Centar Sarajevo, broj: 01-02-1579/2025. godine od 28. 7. 2025. godine,
8. Zahtjev za autentično tumačenje člana 40. Zakona o zaštiti civilnih žrtava rata u Federaciji Bosne i Hercegovine („Službene novine Federacije BiH“ broj: 60/23), koju je u parlamentarnu proceduru uputio Institut za medicinsko vještačenje zdravstvenog stanja Sarajevo, broj: 01/c-02-1502/25 od 22. 7. 2025. godine,
9. Vijećnička inicijativa i Zaključak Općinskog vijeća Hadžići o prihvatanju Inicijative vijećnika Mustafe Šehića, broj: 01/c-02-1376/25 od 1. 8. 2025. godine.



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES
Committee on Labor and Social Welfare

10. Informacija, potpisivanje zaključaka, koju je uputio Branko Stanić, direktor Ustanove za socijalno zbrinjavanje i zdravstvenu njegu – Bakovići, broj: 01/22-02-1481/25 od 18. 9. 2025. godine,
11. Inicijativa vezana za izmjene i dopune Uredbe o jednokratnom novčanom dodatku na penziju, koju je pokrenuo Almedin Aliefendić, zastupnik u Predstavničkom domu PFBiH, broj: 01-02-1661/25 od 1. 9. 2025. godine,
12. Molba za tumačenje članova Zakona o radu FBiH, koju je uputio Mirza Turalić, 01/22-02-1685/25 od 3. 9. 2025. godine,
13. Tekuća pitanja:
 - Inicijativa za organizaciju tematske sjednice Odbora za rad i socijalnu zaštitu Predstavničkog doma PFBiH na temu Nacrta zakona o socijalnim uslugama i Prednacrta Zakona o izmjenama i dopunama Zakona o hraniteljstvu u FBiH, broj: 01/22-02-2028/25 od 27.10.2025. godinu, koju je uputio gosp. Malik Garibija, nacionalni direktor SOS Dječija sela u BiH.

Na osnovu člana 44. stav 2. a u vezi s članom 77. Poslovnika Predstavničkoga doma Parlamenta Federacije BiH, Odbor podnosi sljedeći:

IZVJEŠTAJ

Ad- 1

Usvajanje zapisnika sa 12. sjednice Odbora za rad i socijalnu zaštitu

Zapisnik sa 12. sjednice Odbora jednoglasno je usvojen.

Ad-2

Nacrt Zakona o izmjenama i dopunama Zakona o roditeljima njegovateljima u Federaciji BiH

Predstavnica Federalnog ministarstva rada i socijalne politike gđa Anja Andrić-Alibegović, detaljno je izvijestila Odbor o Nacrtu Zakona o izmjenama i dopunama Zakona o roditeljima njegovateljima u Federaciji BiH. Odbor je razmotrio navedenu tačku dnevnog reda i jednoglasno usvojio sljedeće:

ZAKLJUČKE

1. Odbor smatra da je Nacrt Zakona o izmjenama i dopunama Zakona o roditeljima njegovateljima u Federaciji BiH dobra osnova za izradu prijedloga zakona te predlaže Predstavničkom domu Parlamenta FBiH da ga podrži,
2. Odbor predlaže da javna rasprava o Nacrtu Zakona o izmjenama i dopunama Zakona o roditeljima njegovateljima u Federaciji BiH ne bude duža od 30 dana.



Ad-3

Strategija za unapređenje prava i položaja osoba sa invaliditetom u Federaciji BiH 2025.-2030. godina

Predstavnik Federalnog ministarstva rada i socijalne politike Dobrica Jonjić, izvijestio je Odbor o Strategiji za unapređenje prava i položaja osoba sa invaliditetom u Federaciji BiH 2025.- 2030. godine. Prisutni članovi i članice Odbora su razmotrili navedenu tačku dnevnog reda i većinom glasova (šest za i dva *suzdržana* glasa) usvojili sljedeći:

ZAKLJUČAK

Odbor je podržao Strategiju za unapređenje prava i položaja osoba sa invaliditetom u Federaciji BiH 2025.- 2030. godine.

Ad-4

Izveštaj o realizaciji Strategije za prevenciju i borbu protiv nasilja u porodici 2024.-2027. tokom 2024. godine

Odbor je izvijestio gosp. Zlatan Hrnčić, predstavnik Gender Centra FBiH, o Izveštaju o realizaciji Strategije za prevenciju i borbu protiv nasilja u porodici 2024.-2027. tokom 2024. godine. Odbor je razmotrio navedenu tačku dnevnog reda i jednoglasno usvojio sljedeći:

ZAKLJUČAK

Odbor je primio na znanje Izveštaj o realizaciji Strategije za prevenciju i borbu protiv nasilja u porodici 2024.-2027. tokom 2024. godine.

Ad-5

a) Izveštaj o radu Fonda za profesionalnu rehabilitaciju i zapošljavanje osoba sa invaliditetom Federacije BiH za 2023. godinu

b) Izveštaj o radu Fonda za profesionalnu rehabilitaciju i zapošljavanje osoba sa invaliditetom Federacije BiH za 2024. godinu

Odbor je izvijestio gosp. Ahmet Baljić, direktor Fonda za profesionalnu rehabilitaciju i zapošljavanje osoba sa invaliditetom FBiH u vezi Izveštaja o radu Fonda za profesionalnu rehabilitaciju i zapošljavanje osoba sa invaliditetom Federacije BiH za 2023. godinu i Izveštaja o radu Fonda za profesionalnu rehabilitaciju i zapošljavanje osoba sa invaliditetom Federacije BiH za 2024. godinu. Odbor je razmotrio navedenu tačku dnevnog reda i jednoglasno usvojio sljedeće:

ZAKLJUČKE

1. Odbor je primio na znanje a) Izveštaj o radu Fonda za profesionalnu rehabilitaciju i zapošljavanje osoba sa invaliditetom Federacije BiH za 2023. godinu i b) Izveštaj o



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES
Committee on Labor and Social Welfare

radu Fonda za profesionalnu rehabilitaciju i zapošljavanje osoba sa invaliditetom Federacije BiH za 2024. godinu.

2. Odbor predlaže Vladi FBiH i Federalnom ministarstvu rada i socijalne politike da što prije u parlamentarnu proceduru upute prijedlog zakona o profesionalnoj rehabilitaciji i zapošljavanju osoba s invaliditetom kako bi se povećao broj zaposlenih osoba s invaliditetom na otvorenom tržištu rada, s ciljem njihove veće ravnopravnosti i osiguravanja stabilnosti Fonda za profesionalnu rehabilitaciju i zapošljavanje osoba s invaliditetom.

Ad-6

Inicijativa za donošenje Zakona o ostvarivanju prava na zdravstvenu zaštitu i zdravstveno osiguranje osoba koje se nalaze na smještaju u ustanovama socijalne zaštite/hraniteljskim porodicama/drugim pružateljima usluga van kantona u kojima te osobe imaju prebivalište, koju je pokrenula grupa zastupnika u Predstavničkom domu PFBiH, broj: 05/1-02-377/25 od 24. 7.2025. godine

Odbor za rad i socijalnu zaštitu zaprimio je Inicijativu za donošenje Zakona o ostvarivanju prava na zdravstvenu zaštitu i zdravstveno osiguranje osoba koje se nalaze na smještaju u ustanovama socijalne zaštite/hraniteljskim porodicama/drugim pružateljima usluga van kantona u kojima te osobe imaju prebivalište, koju je pokrenula grupa zastupnika u Predstavničkom domu PFBiH, broj: 05/1-02-377/25 od 24. 7. 2025. godine.

Prisutni članovi i članice Odbora su razmotrili navedenu tačku dnevnog reda i jednoglasno usvojili sljedeći:

Z A K L J U Č A K

Odbor je podržao Inicijativu za donošenje Zakona o ostvarivanju prava na zdravstvenu zaštitu i zdravstveno osiguranje osoba koje se nalaze na smještaju u ustanovama socijalne zaštite/hraniteljskim porodicama/drugim pružateljima usluga van kantona u kojima te osobe imaju prebivalište, koju je pokrenula grupa zastupnika u Predstavničkom domu PFBiH, broj: 05/1-02-377/25 od 24. 7. 2025. godine.

Ad-7

Inicijativa za izuzeće centralnog gradskog područja iz opće zabrane rada nedjeljom, koju je pokrenuo Savjet mjesne zajednice „Trg Oslobođenja- Centar“, Općine Centar Sarajevo, broj: 01-02-1579/2025. godine od 28. 7. 2025. godine

Odbor je zaprimio Inicijativu za izuzeće centralnog gradskog područja iz opće zabrane rada nedjeljom, koju je pokrenuo Savjet mjesne zajednice „Trg Oslobođenja- Centar“, Općine



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES
Committee on Labor and Social Welfare

Centar Sarajevo, broj: 01-02-1579/2025. godine od 28. 7. 2025. godine i konstatirao da nije nadležan za pitanja koja se tretiraju u predmetnoj inicijativi.

Ad-8

Zahtjev za autentično tumačenje člana 40. Zakona o zaštiti civilnih žrtava rata u Federaciji Bosne i Hercegovine („Službene novine Federacije BiH“ broj: 60/23), koju je u parlamentarnu proceduru uputio Institut za medicinsko vještačenje zdravstvenog stanja Sarajevo, broj: 01/c-02-1502/25 od 22. 7. 2025. godine

Odbor je zaprimio Zahtjev za autentično tumačenje člana 40. Zakona o zaštiti civilnih žrtava rata u Federaciji Bosne i Hercegovine („Službene novine Federacije BiH“ broj: 60/23), koji je u parlamentarnu proceduru uputio gosp. Ludvig Letica, direktor Instituta za medicinsko vještačenje zdravstvenog stanja Sarajevo, broj: 01/c-02-1502/25 od 22. 7. 2025. godine. Odbor je upoznat sa Izjašnjenjem Vlade FBiH, broj: 01-02-1502/25 od 10. 9. 2025. godine na predmetnu Inicijativu, kao i stavom Instituta za medicinsko vještačenje zdravstvenog stanja u FBiH koji nije zadovoljan Izjašnjenjem Vlade FBiH, jer je u radu liječnicima-vještacima, koji se oslanjaju na zakonske i podzakonske propise iz različitih oblasti, otežana provedba zakona. Odbor je detaljno razmotrio navedenu tačku dnevnog reda i jednoglasno usvojio sljedeći :

ZAKLJUČAK

Odbor predlaže Federalnom ministarstvu rada i socijalne politike da još jednom preispita svoju odluku zbog problema sa kojim se susreću liječnici – vještaci na radu te da što prije izmijeni podzakonski akt Pravilnik o ocjenjivanju oštećenja organizama civilnih žrtava rata i nesposobnosti za privređivanje i članova porodice civilnih žrtava rata („Službene novine FBiH“ broj: 27/24, 53/24 i 07/25).

Ad-9

Vijećnička inicijativa i Zaključak Općinskog vijeća Hadžići o prihvatanju Inicijative vijećnika Mustafe Šehića, broj: 01/c-02-1376/25 od 1. 8. 2025. godine.

Odbor je zaprimio vijećničku inicijativu i Zaključak Općinskog vijeća Hadžići o prihvatanju Inicijative vijećnika Mustafe Šehića, broj: 01/c-02-1376/25 od 1. 8. 2025. godine.

Prisutni članovi i članice Odbora su razmotrili navedenu tačku dnevnog reda i jednoglasno usvojili sljedeći:

ZAKLJUČAK

Odbor nije podržao vijećničku inicijativu i Zaključak Općinskog vijeća Hadžići o prihvatanju Inicijative vijećnika Mustafe Šehića, broj: 01/c-02-1376/25 od 1. 8. 2025. godine.



Ad-10

Informacija, potpisivanje zaključaka, koju je uputio Branko Stanić, direktor Ustanove za socijalno zbrinjavanje i zdravstvenu njegu – Bakovići, broj: 01/22-02-1481/25 od 18. 9. 2025. godine

Odbor je razmotrio i primio na znanje Informaciju, potpisivanje zaključaka, koju je uputio Branko Stanić, direktor Ustanove za socijalno zbrinjavanje i zdravstvenu njegu – Bakovići, broj: 01/22-02-1481/25 od 18. 9. 2025. godine.

Ad-11

Inicijativa vezana za izmjene i dopune Uredbe o jednokratnom novčanom dodatku na penziju, koju je pokrenuo Almedin Aliefendić, zastupnik u Predstavničkom domu PFBiH, broj: 01-02-1661/25 od 1. 9. 2025. godine

Odboru se obratio Almedin Aliefendić, zastupnik u Predstavničkom domu PFBiH u vezi Inicijative vezane za izmjene i dopune Uredbe o jednokratnom novčanom dodatku na penziju, broj: 01-02-1661/25 od 1. 9. 2025. godine. Prisutni članovi i članice Odbora su razmotrili navedenu tačku dnevnog reda i jednoglasno usvojili sljedeći:

ZAKLJUČAK

Odbor predlaže Vladi FBiH i Federalnom ministarstvu rada i socijalne politike da prilikom kreiranja budžeta za 2026. godinu i planiranja odluka o jednokratnim novčanim dodacima na penziju, zaštititi i planira sve penzionere sa prebivalištem na teritoriji Federacije BiH, bez obzira na njihove penzije, pod uslovom da njihova ukupna mjesečna primanja (iz domaćih i inostranih izvora) ne prelaze iznos od 1.000 KM.

Ad-12

Molba za tumačenje članova Zakona o radu FBiH, koju je uputio Mirza Turalić, 01/22-02-1685/25 od 3. 9. 2025. godine,

Odbor je zaprimio Molbu za tumačenje članova Zakona o radu FBiH, koju je uputio Mirza Turalić, 01/22-02-1685/25 od 3. 9. 2025. godine. Prisutni članovi i članice Odbora su razmotrili navedenu tačku dnevnog reda i jednoglasno usvojili sljedeći:

ZAKLJUČAK

Odbor traži mišljenje od Federalnog ministarstva rada i socijalne politike u vezi sa molbom za tumačenje članova Zakona o radu FBiH, broj: 01/22-02-1685/25 od 3. 9. 2025. godine, koju je uputio Mirza Turalić.



Ad-13

Tekuća pitanja

- *Inicijativa za organizaciju tematske sjednice Odbora za rad i socijalnu zaštitu Predstavničkog doma PFBiH na temu Nacrta zakona o socijalnim uslugama i prednacrtu Zakona o izmjenama i dopunama Zakona o hraniteljstvu u FBiH, broj: 01/22-02-2028/25 od 27.10.2025. godine, koju je uputio gosp. Malik Garibija, nacionalni direktor SOS Dječija sela u BiH*

Odbor je zaprimio Inicijativu za organizaciju tematske sjednice Odbora za rad i socijalnu zaštitu Predstavničkog doma PFBiH na temu Nacrta zakona o socijalnim uslugama i Prednacrtu Zakona o izmjenama i dopunama Zakona o hraniteljstvu u FBiH, broj: 01/22-02-2028/25 od 27.10.2025. godine, koju je uputio gosp. malik Garibija, nacionalni direktor SOS Dječija sela u BiH.

Prisutni članovi i članice Odbora su detaljno razmotrili navedenu tačku dnevnog reda i jednoglasno usvojili sljedeće:

ZAKLJUČKE

1. Odbor je podržao Inicijativu za organizaciju tematske sjednice Odbora za rad i socijalnu zaštitu Predstavničkog doma PFBiH na temu Nacrta zakona o socijalnim uslugama i Prednacrtu Zakona o izmjenama i dopunama Zakona o hraniteljstvu u FBiH, broj: 01/22-02-2028/25 od 27.10.2025. godine, koja je od ključne važnosti za daljni razvoj socijalne zaštite djece i djece bez roditeljskog staranja.
2. Odbor je odredio da će 8. ili 9. decembra 2025. godine održati tematsku sjednicu o temi Nacrta zakona o socijalnim uslugama i Prednacrtu Zakona o izmjenama i dopunama Zakona o hraniteljstvu u FBiH.

Za izvjestioca u Predstavničkom domu Parlamenta FBiH određen je gosp. Fuad Abaspahić, predsjednik Odbora.

PREDSJEDNIK ODBORA

Fuad Abaspahić